

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Secvnda Pars Mirabilis Vitæ Venerabilis Virginis Marinæ De Escobar

Puente, Luis de la

Pragæ, 1688

Caput X. De singulari spiritus prophetico, quem Deus huic Virgini
communicavit.

urn:nbn:de:hbz:466:1-38666

Christi amare beatam crucem, ad ejusdem Domini imitationem: sextus, in quo consistat actualis præsentia Dei in anima: se- primus, de instructione Confessorum, pro adjuvandis animabus: octavus, de Prælatis Religiosorum Ordinum. Omnes hi tractatus, eti breves, sublimem continent doctrinam, ac talem, ut eam doctissimi viri fuerint admirati. Non possum silentio præterire, quomodo hæc Virgo inter suos dolores, non sine Divina inspiratione, scripsit vitam Marinæ Hernandez, & ipsius obitum. Convixit illi hæc sancta Matrona viginti quinque annis, operâ ejusdem utebatur Domina Marina in omnibus peragendis, eratq; insignis Dei serva Multa recenset nostra Virgo, tanquam testis oculata, de ipsius virtutibus. Fuerat conjugata, atque tam in statu matrimoniali, quam in viduitate, vitam agebat sanctissimam, adeò ut nostra Domina Marina lectum suæ sociæ Marinæ Hernandez moribundæ viderit circumdatum ab Angelis, & postea felicem illius animam in celo magnâ conspicuam gloriâ. Omnes hos tractatus ego habeo. Hactenus P. Fr. Andreas.

Multa hujusmodi à se observata asserunt ipsius sociæ, & ea, quibus illa confidebat sua arcana: dicunt autem, contracto earundem juramento in compendium, sequentia. Quavis occasione illam vidimus, magno amore ferri erga suos

proximos, quo impellente ipsam vel oportebat pati, vel ad varia loca, atque ad diversos scribere schedas & epistolas, singularem continentis consolationem, aut instructionem, plenas divino lumine, quod illi à Deo communicabatur. Ni si enim Deus ipsi inspiravisset, ut eas scriberet, procul dubio ab illis abstinuisse; quia erat veracunda, & invitata in aliorum acta ingerebat. Quod à Deo compelleretur ad scribendū, bene tum advertebatur, quando rogabatur à quibusdam Religiosis, ut huic vel illi efficaciter scriberet, quod non bene viveret, aut alia hujusmodi, quibus respondebat, epistolam suam nihil profutaram, neque se scire, quid ipsis posset dicere, nisi sibi aliud à Divina Majestate manifestaretur. Instabant illi, & Venerabilis Marina incipiebat scribere, neque sciebat progredi, & sine mora inscriptionem abrumpebat cum magno suo dolore, quod non posset gratificari petenti epistolam, vel juvare proximum consilio indigentem. Contrà verò, quando scribebat iussu Dei, accidebat id illi perfacile, & consilia ipsius ac monita erant efficacia. Atque licet essent tres, quæ sciebamus scribere, non deerat tamen omnibus, quod ageremus. Cum autem ab acerbioribus cruciatibus impediretur, quod minus se exercitijs impenderet charitatis, vehementer dolebat, quod suis proximis opitulati non posset, sicut vellet.

CAPUT X.

De singulari spiritu prophetiae, quem Deus huic Virgini communicavit.

Pollicitus sum in prologo hujus tertij libri, me aliquid de spiritu prophetico, quem Deus isti suæ purissima sponsæ comunicavit, & de magnis miraculis, quæ Deus per illam est operatus, dicturum, post enarratū felicem ipsius obitum, & gloriosas exequias. Videor verò posse redargui, quasi non servaverim propositum, cùm me per integra sex præ-

cedentia capita detinuerim, seu divertirim, in commemorandis succinctè heroicis hujus Virginis virtutibus, quas longo vitæ octoginta propè annorum decurso, cum indefessa perseverantia exercuit. Ex quo tamen meo judicio non sum prafixos transgressus terminos, neque ullatenus aberravi à via, cui insisto, tum quia in serie miraculorum istius Venerabilis Dominæ primum, omniūque maximum existimo esse eminentissimam perfectionem, ad quam

quam per virtutum usum fuit evencta; tum etiam quia minus credibilia, quod ad originem atrinet, tanquam à bono processerint spiritu, viderentur miracula & prophetiae alicui, qui virtutum ipsius præstantium & soliditatem non confinxisset. Quò altius & pulchrius statua assergit, eò prudentius metuit illius ruina, si ipsi non congruat basis quoad firmitatem ac stabilitatem. Spiritus propheticus non semper est indicium sanctitatis, eò quod haberi possit cum peccato; opera oculis hominum admiranda non semper sunt effectus virtutis, cùm illa sciat quām vivacissime adumbrare Satanás, & efficere, ut etiam perspicacissimo intellectui videantur esse supernaturalia. Nihilominus dum excellens sanctitas, & virtutes morali eluent evidentiā, quæ hac de re in cao isto peregrinationis statu haberri potest, tunc admodum probabiliter illius personæ, quæ ijs est prædicta, prophetias censemus esse Divinas, & judicamus ejusdem miracula esse vera: atque hæc ipsa miracula & prophetiae, quæ pro talibus habentur, nobis earundem virtutum excellentiam redundat probabiliorem. Solet namque magni Dei ac Domini nostri liberalitas hujusmodi donis impigram in ejus obsequio sanctitatem condecorare. Ista fuit causa, ob quam priora scripti capita, potiusque hoc subsecente loco ea, in quibus agitur de propheticō, & miraculorum patratore spiritu, quām alio. Necesariò enim aliqui in secunda hac parte erant scribenda, cùm sanctus Pater Ludovicus in prima sua hujus historiæ parte referre non potuerit, quæ tot annis post testes jurati asseruerunt. Exordiendo itaque ab omnimoda ventate, quā ipsius prophetæ multis annis antè enunciata, & nonnullæ de rebus omnem excedentibus creaturarum potentiam ac scientiam, eò quod dependenter à libero hominis arbitrio, fuerunt impletæ, paucis complectar phyliris, quæ in authenticis & juratis processibus fusæ referuntur, à personis omni exceptione majoribus, & sunt sequentia.

Dum nostra Societas filiali affectu optaret, videre honoribus ab Ecclesia auctum

magnum suum Patrem, & Patriarcham Sanctum Ignatum, rogarerunt Venerabilem Marinam Patres, qui tum cum illa agebant, ut sibi hoc negotium singulariter curandum assumeret, commendando illud Divinæ Majestati, quod Virgo fecit, & divini oraculi percepto lumine asleverantissimè dixit suis Confessarij: Nec Papa, qui nunc vivit, neque is, qui illum sequetur modico vietur tempore, sed post hos duos tertius Beatum pronuntiabit sanctum Patrem Ignatum. Hoc subito fuit per totam Provinciam nostram divulgatum, & P. Michaël de Orenja jurat, se id, cùm juvenis vacaret studijs, audivisse à senibus Patribus, sempérque curiosè observavisse, an esset implendum, & suis vidisse oculis, quod ita prolsus evenerit. Qui enim tum vivebat, erat Clemens octavus, quem immediatè secutus est Leo undecimus, cuius regimèn paucorum fuit dierū; & huic succedit Paulus quintus, qui Beatorum accensit numero Sanctum Patriarcham. Idem jurat P. Ferdinandus de Espinosa. Addit P. Fr. Andreas de Ponte in suo juramento hæc verba: Revelavit illi Deus multis annis antè, adscriptum iri Sanctorum fastis gloriosum Patrem Sanctum Ignatum: etiamq; mihi, priusquam in album Beatorum referretur, aliquoties dixit, id esse certum. Et quamvis sciret, à nonnullis Sancto minus addictis judicari contrarium, audi vi idem ab illa multoties asleverari: addebat autem, se hoc visuram antequam à Deo ex hoc mundo auferretur. Utrumque per Divinam bonitatem impletum esse patuit.

Dum P. Christophorus de Ribera, qui propter suas multas virtutes sanctus fuit appellatus, visitaret, tanquam Praepositus Provincialis, nostrum Collegium Oviedi, anno millesimo, quingentesimo, nonagesimo nono, significavit ipsi hæc Virgo per suum Confessarium, ut inde quantocuyus discederet: alioquin enim, si se sibi detineret, corripiendum peste, & ex ea obitum. Executus est id P. Provincialis, atq; paulò post oppidum illud, quod cœli gaudebat salubritate, invasit pestis, & omnis conditionis homines vitæ fuerunt periculoso obnoxij.

Kkk 3

Patri

Patri Michaëli de Orenja dixit Venerabilis Marina, quandam personam brevi morituram, & à Deo propterea privan- dam vitâ, quod ita seceretur cuidam alteri, cui illa, quæ erat moritura, sanguine fuit proximè juncta. Respondit ipsi Pater, quod Deus sit misericors, sciatisque senten- tiā penæ suspendere, si emendaretur vita illius, qui esset reus. Verum est, redidit Virgo; hac tamen vice mandabitur executioni: vidi enim à Deo intentari iustum lethalem. Distabat illa persona multis levcis, sed evidenter deprehensum est, eandem postridie incidisse in morbum, & cā ipsā septimanā obivisse.

Quidam Religiosus ex Ordine S. Domini valde probus, & sancto incensus zelo, voluit profici in Indias, opem latu- rū animabus: petijt consilium à Sancta, quæ illi svalit, ut à proposito desisteret, eò quod zelus ipsius, licet esset bonus, non esset tamen prudens: quia ille Pater erat naturæ austera, minusque idcirco idoneus ad agendum cum hominibus fragilibus, & recenter conversis. Noluit obtemperare, & uno anno ante ejus mortem hæc Virgo illam ipsi prænuntiavit, dixitque id P. Fr. Andreas de Ponte, quod juratus asserit; atque evenit, sicut illa dixerat. Siquidem, dum jam esset conseclatus navim, inci- dit in febris tertianam, cuius tertio paroxysmo fuit extinctus. Socij ipsius, qui illi aderant, & sciebant, ei à Sancta fuisse svāsum, ut ab ea profectione abstineret, illum monuerunt, ut peteret à Deo veniam, quod famulæ ipsius morem non gessisset.

Sequentis eventus testis est oculatus P. Fr. Andreas, & jurat, omnia ipsius ope- râ interveniente fuisse acta, quæ idcirco, licet ab alijs quoque referantur testibus, dicti tantum Patris enarratio verbis: Habe- bat Domina Marina sororem nomine Julianam, tam anxie conscientiæ, ut nemo Vallisoleti sacramentalem illius confessio- nem vellet excipere: incipiebat jam deli- rare. Et spatio quadraginta sex annorum, quibus animarum gero curam, nihil in hoc genere tam terrible, aut simile sum ex- pertus. Commendabatur impensè Deo à Domina Marina; solabantur ipsam viri

doctissimi, & nihil sufficiebat. Tandem autem, & quidem disertissimis verbis, di- xit nostra Virgo prædictæ Sorori, ut habe- ret patientiam; non enim expedire ipsius animæ, ut liberetur à scrupulis, quod vi- veret: sub horam tamen mortis, & in con- fessione, quā tu nec animam esset expiatu- ra, restituendam à Deo quieti. Ita factum est. Vocatus fui ad commodandas confi- tenti aures, non sine ingenti meo timore, & miratus sum opera Dei: nam confessa est cum magna pace ac tranquillitate, sus- cepitq; omnia Sacraenta, ac si nunquam scrupulis fuisset exagitata.

Post alia subiungit prænominatus P. Fr. Andreas. Certo mihi constat, quia id se- pe sum expertus, quasdam personas, eò quod non acceptaverint ipsius admonitiones, neque secutæ fuerint ejusdem confilia, gravibus à Deo, & peracerbis fuisse castigatas penitentia temporalibus. Mani- festabat mihi Virgo aliquot mensibus ante, distincteque exprimebat penitentiam, quam Deus ipsis cominaretur. Ego de ea illas personas præmonebam, cùmque man- rent obstinatæ, ita planè puniebantur, ac dixerat. Vice versa ijs, qui sanctis ipsis consiliis obtemperabant, vidi profite ne- gotia cessisse: cuius rei longam ex multis eventibus habeo experientiam, per totan- nos, quibus cum illa sum versatus, quos singillatim non retero, cùm id non con- veniat, nè in eorum, quibus acciderunt, deveniatur notitiam.

Dixit quodam tempore matutino Ve- nerabilis Marina P. Michaëli de Orenja, suo Confessario, dum Rectoris fungere- tur munere, in nostro Collegio S. Ambro- sij: Pater, hac nocte me isti mei Domini Angeli duxerunt ad templum Tuæ Pa- ternitatis, & ostenderunt mihi corpus S. Patris Ludovici de Ponte, quod certe sum venerata, tanquam corpus sanctum. In- terrogavit illam tum Rector, qualiter cor- pus esset constitutum, & ipsa respondit, non esse prorsus integrum, neque omnino consumptum, sed cœpisse corrupti, ita ut possit dignosci facies, atque retinere adhuc suos crines in capite ac barba. Pa- ter hæc, alia quoq; distinctissima promul- indi-

indicia eorum, quæ viderat. Redivit P. Rector, & dimissis post meridiem omnibus Professoribus ac Scholasticis recreationis causâ ad hortum, se cum Fratribus Coadjutoribus occlusit in templo; jussit exhumari corpus, aperuit tumbam, non dicens illis nisi postea, cur id faceret: & repertum est, eam penitus referre speciem, & habere signa, nec uno quidem discrepante, quæ ipsi Virgo dixerat.

Quadam vice Deus huic Virgini dixit: Veni citò mecum, veni mecum, & ostendam tibi, quid agatur. Duxit illam, nullâ ei concessâ morâ, ad locum procul distante Vallisoletum, ostenditque ipsi quoddam opus, & occupationem nonnullorū, quos Pater Orenja noverat. Notavit Virgo locum, actiones, vultus, & constitutio nem omnium, retulitque universa dicto Patri Orenja, suo Confessario, qui unum illorum in bonum ipsius de hoc factô admonuit per epistolam, & quantopere Deus esset offensus, exponendo singillatim, quæcunque fuerant acta. Respondit ille fatendo itâ omnino esse, vehemen ter obstupecens, rem tam remotam; adeoque secretam fuisse tam celeriter re seitam, & quidem cum tam clata omnium circumstantiarum notitia.

Correptus fuit morbo in nostro Collegio S. Ambrosij P. Lopez Otto de Angulo, & quia erat optimus Religiosus, plurimumque utilis in officio, quod ex obedientia gerebat, rogavit multum P. Rector Venerabilem Marinam, ut ipsum commendaret Deo, quod ei dignaretur reddere sanitatem. Ipsi id fecit, ac deinde illi dixit: Pater, feci quod mihi Tua Paternitas mandavit: verum S. P. Ludovicus de Ponte mili omnem de eo spem sustulit, dixitque, animam hujus Religiosi à se presentandam Divino conspectui, ubi expiraverit, aut paulò post. Mortuus fuit ægrotus intra biduum vel triduum. Notandum autem est, illum specialiter fuisse charum P. Ludovicus de Ponte, eidemque valetudinario inservivisse toto tempore, quo Artium ac Theologiae studijs operam navabat.

Quomodo hæc Virgo opem attulerit

Portui Diviti, & quæcunque ibi evene runt, non solum novit tota Hispania, sed etiam ego alibi recensui. P. Michaël de Orenja jurat, se multis mensibus, antequam ea hæc scirentur, audivisse ex ore ipsius expressissimè, quæ illic fiebant. Scribit præterea, qualiter liberaverit classem nostram ab exercitu Anglo, interpositâ nebulâ, nè nostra à classe hostili invadetur. Atque id, quod in Hispania innotuit, cùm nostri è navibus excedissent, jurat uterque Confessarius, se intellectissime longè prius, sibique de die in diem ab ipsa fuisse narratum, quid cum classe nostra ageretur, quam illa semper comitabatur.

Item ambo jurant, quod hæc Venerabilis Domina ipsis aliquando dixerit, ostensem sibi fuisse in mari ingentem tumultum, & interceptum esse argentum ab hostibus, quod advehebatur ex Indijs. Fuit ab uno illorum interrogata, quid evenisset tot animabus (solita enim erat in hujusmodi conflictibus videre, quæ salvarentur, aut damnarentur) & respondit, nullam sibi exhibitatam fuisse à Deo. Cùm id audirent, ac divinarent, Hispanos se nequaquam dedidisse absq; confictu, & moraliter esse impossibile, ut, si conflixissent, nulla fuisse edita strages hominum, dixerunt illi: Videtur, non fuisse interceptum argentum & classis, sed naves aliquæ mercatorum venientes in Hispaniam. Non, Patres, reposuit ipsa; sed argentum, ac thesaurus, qui ex Indijs Regi, & privatis advehi con sevit, est perditus, ablatusque ab hostibus. Reddi fuere perplexi, & post aliquot menses viderunt, ita verè evenisse: spectavítque post aliquot annos Hispania capite plexum classis Ducem, quod nullo exploso tormento bellico, neque educto gladio, tam opulentam prædam Hollandis tradidisset.

Comparuit eidem Virgini Sanctus Patriarcha cuiusdam Ordinis Religiosi (existimo id accidisse eo anno, quo obiit) co mitantibus ipsum nonnullis Sanctis Patriarchis aliarum Religionum, dixitque illi: Vides, meos filios conventuros ad electionem novi Praelati, à quo regantur, ac tractatus negotia suæ Congregationis; ro-

go te, ut illos commendes Deo. Ipsa tergiversabatur dicens, se parum posse præstare, futuram tamen, quod ab eo juberetur, ut illi obediat, atq; id melius ab ipso fieri posse, qui frueretur Deo. Ita faciam, respondit Sanctus: verum etiam tu preces tuas offer, cum Deus magni faciat preces Justorum degentium in terra. Scias quoque, me adfuturum Capitulo cum his Sanctis Patriarchis, quos hic vides. Sic Sancti valedixerunt Virgini, & illa, quemadmodum animam suam pandere conserverat, narravit visionem Confessario, cui post paucos dies dixit: Fuit hic heri talis Religiosus (erat vir magnus in suo Ordine authoritatis, qui ibi vivebat) dixitque mihi, Superiorem, qui se abdicatus erat officio, ac duos trésve alios ex Capitularibus brevi adventuros, & ab his videri adferendam jam peractam electionem; innuens, ipsos venire, postquam jam inter sece concluserunt, quem essent electuri, & qualiter pro suo beneplacito distributuri officia. Adfuit denique designatum tempus, ingressi sunt statu die Capitulares locum suæ electionis, & cùm illam postridie ipsius Confessarius adivisset, ut exciperet ejus confessionem, illique celebraret Missam, dixit ipsi Venerabilis Marina. Heri jussu Dei adfui Capitulo illorum Religiosorum, & vidi, postquam consedissent, Sanctum eorundem Patriarcham ingressum fuisse, cum alijs Sanctis, quos Tuæ Paternitati nominavi; atque severo vultu

ad quandam ex ijs Religiosis confidentibus accessisse, arreptóque ejusdem habitu, illum magno impetu & vi extrusisse ex conclavi, ita ut ibi ultrâ non comparuerit. Accessit deinde ad alium, quem apprehendit, ut & ipsum ejiceret: verum is aliquantum restitit, & allegavit quasdam causas, quæ tamen illi nihil profuerunt, nec à Sancto sunt approbatæ, idoque fuit ex conclavi ejectus, sicut præcedens. Postea Sanctus Patriarcha arripuit alium, qui magis repugnavit, attulitq; rationes, quibus quidem Sanctus Patriarcha sibi minimè satisfactum esse ostendit, nihilominus ipsum reliquit, quasi alio tempore promeritam pœnam luiturum. Hoc Sancta suo Confessario recensuit; ille observavit, quid esset eventurum. Accidit verò, ut intra octo circiter dies primus illorum fuerit mortuus, alter paulò post: uterque enim obiit durante Capitulo. Tertius autem graviter ægrotavit, & quamvis convaleverit, sèpe dixit, se non vietur usque ad finem sui officij, sicut factum est, quia citè è vita migravít.

Missus erat Madrito specialis Cursor, qui significaret, Regis filiam ægrotare, ut illam Venerabilis Marina commendaret Deo. Monita de hoc fuerat à suo Confessario, petente ut id faceret. Auditio nuntio, modicū hærens, séque internè colligens Virgo respondit: Filia Regis ex hoc morbo morietur. quod intrapau- cos dies evenit.

CAPUT XI.

Continuatur idem argumentum, de veritate ipsius prophetiarum.



Vando Adolphus Sveciæ Rex, & Orbis terror, ingressus est Germaniam, Venerabilis Marina, cùm intellectisset damna ab ipso illata Catholicis, & metum aliorum graviorum, quæ intentabat, cœperit zelare more suo pro bono Ecclesiæ Romanæ, atque hoc negotium impensè Deo commendare. Tametsi verò à

Divina Majestate peteret hujus hæretici conversionem, dolens, ut ipsa ajebat, hominem tam nobilis naturæ, totque præclaris animi dotibus, ac tam egregiâ indeole præditum, ruere in exitium: aliud nihilominus in suo corde, & vehemens sentiebat desiderium ipsius interimendi, & exterminandi illius hostis Fidei, quandam obstinatè noller converti. Admissa hunc eventum concertenitia fuerunt acta